

[Augsburg], 1. Mai 1561

An Joachim Camerarius d. Ä.

BSB, Clm 10370, Nr. 240.

Clarissimo viro, D. Ioachimo Camerario etc. Domino et amico suo colendo. Lipsiae.
 S. Nactus tandem sum tertium librum epistolarum Eobani. Sed primus et secundus vbi? An ὕστερον πρότερον ὁμηρικῶς; Legi etiam versiculos ad me scriptos sanè quam honorificè et amanter, quorum lectione etiam Fuggerus noster delectatus, ἅμα μὲν παίζων ἅμα δὲ καὶ σπουδάζων dixit, epitaphium suis hortis nunc scibendum. Nam frigus plerasque arbores exoticas adussit. Filiorum tuorum neuter vllas vnquam ad me literas misit, quas fortasse per alios ad te preferendas curant. Solus Ioannes semel atque iterum me rogauit, vt Ioachimi fratris causam agerem. Quod sanè feci vt potui. Quid profecerim ignoro, imò nihil me profecisse ex eo conijcio, quod nihil ad me scribitur. ἀλλ' εἰ τὸ κατορθοῦν οὐκ ἐν τῇ πράξει ἀλλ' ἐν τῇ προαιρέσει ἔστιν, ὡσας τὶ κατωρθώκαμεν. Veteres nugas Epicteti a me renouatas, iam t<e> vidisse arbitror, nec ijs auditorem hunc et min<istr>um meum γενόμενον, onerare volui. Editionis Nicephori Gregorae spes mihi facta nuper est, et maior injecta solicitude nouae conuersionis τοῦ χαλκοκανδύλου. Quo labore et permolesto et superuacaneo equidem supersedere malo, quam peculiolum meum aliquot nummis augere. ἀλλ' αἱ παρὰ τῶν τυράννων δεήσεις μεμιγμέναι ἀνάγκαις εἰσὶν vt nosti. Vale. Cal[endis] Maij 1561.

Hiero[nymus] Wolfius.